



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

Edictum de Visitatione.

urn:nbn:de:hbz:466:1-11399

serint, etiã si eo temporis spatio ipsi in alijs suis beneficijs, canonicatibus, dignitatibusve, etiam si in quacunq; cathedrali Ecclesia sint, relederint: eos præter pœnas, quæ & sacrorum Canonum decretis, & eodem concilio, & Pij Quarti Pont. Max. constitutione non residentibus propositæ sunt, ordinum suorum munere officioq; suspensos, ac eisdem curatis beneficijs iure ipso priuatos declaramus.

Interim autẽ fructus, quos absentes suos non faciunt, nec sine conscientie labe retinere possunt, Fabricæ Ecclesiæ cui quisque præest, & ornamentis, pro rata temporis eorum absentie adiudicamus. à qua pœna, atque etiam à mortali peccato, quod, vt Tridentino concilio declaratum est, committunt, qui sine nostra scripta facultate absunt, ne ij quidẽ immunes sunt, qui, quoniam à suis ecclesijs absentes, apud nos, & à nobis ipsis sepe videntur, nostro quasi tacito permisso se abesse existimant: quod à nostri animi sententia longè alienum esse, etiam his literis declaramus.

Edicimus præterea ac iubemus omnibus, quicunq; Ecclesiastica beneficia, curata, vel non curata, in titulum aut commendam obtinent, quæ tamen personalem residentiam iure vel consuetudine requirunt, si qua non residendi studij causa permissa facultate tueri ac defendere se posse arbitrantur, quod minus ipsi in suis resideant beneficijs, vt eam ad idẽ tempus supra respectiue præscriptũ, nobis aut Vicario nostro exhibeant; alioqui sciant, nos de eis pœnas esse sumptuos, quæ contra non residentes constitutæ sunt. In quarum rerum fidem hoc edictum cõfici; signoq; nostro signatum, & nostri Cancellarij manu subscriptum, Metropolitana nostræ Ecclesiæ valuis affigi, alijsq; locis publicè proponi iussimus. Volumusq; eo vnumquemque ita teneri, vt si ipse personaliter monitus esset, ac citatus. Datum Mediolani ex nostris Archiepiscopalibus ædibus, die 10. Ianuarij. 1567.

Edictum de Visitatione.

CAROLVS

Miseratione diuina Tit. S. Prædix Præbiter Cardinalis Borromæus Archiepiscopus Mediolani.

CVM ad nostri pastoralis officij rationem Visitationis cura ita pertineat, vt ex sacrorum Canonum iure, & Conciliorum decretis prætermitti neque possit, neque debeat: nos illud à nobis debitum munus, omni qua maxima possumus diligentia, Deo iuuante, aggredi atque perficere cupientes, perut illo re existimauimus, omnibus & singulis iurisdictionis nostræ fidelibus, cæterisq; quorum id interest, hoc significare.

In eam verò curam ita incumbemus, vt non ordinaria nostra solum, verum etiã delegata nobis auctoritate accuratè visitemus, omnes & singulas has Mediolanensis & Ciuitatis, & Diocesis Ecclesias; Metropolitanam nostram, collegiatis, earum item capitula, tum personas; curatas præterea Ecclesias, etiam eas, quæ ipsi Metropolitanæ, collegiatis, alijsve Ecclesijs, Monasterijs, Collegijs, aut quibusuis locis annexæ sunt.

Monasteria item quæ commendata sunt, Abbatia, Prioratus, siue Præposituræ, aliove nomine nuncupata, in quibus nõ viget regularis obseruantia; cætera quoq; beneficia curata, ac non curata, secularia, regularia quouis modo comendata, etiã si exempta sint; Ecclesias item quascunq; quauis ratione exemptas, quæve in nullius diocesi sunt, quibus Metropolitana nostra propior sit quàm alia cathedralis Ecclesia; omnes denique Ecclesias non curatas, cappellas, oratoria, hospitalia, collegia quæcunq; confraternitates laicorum, Montes pietatis, piaq; loca omnia, quamuis exempta sint, etiam ad laicorum administrationem pertinentia; Moniales etiam quæ Sancte Sedi Apostolicæ immediatè subiectæ sunt, quæve etiam Sancti Petri, vel Sancti Ioannis capitulorum nomine, vel alio quouis modo nominantur; Monialium item quarumcunq; clausularum; Monasteria insuper in quibus cura exercetur

K 4 anima-

animarum personarum secularium, in ijs quæ ad Sacramentorum administrationem pertinent; omnes denique & quascunque seculares personas Ecclesiasticas, etiam exemptas, & regulares extra Monasterium vitam agentes.

Hoc igitur nostro publicè promulgato edicto, omnes & singulos certiores facere volumus, nos die vigesimo quinto huius mensis visitandi initium facere velle, eo animo eoq; consilio, vt quantum in nobis est, diuina benignitate adiuti, omni & diligentis, & pietatis, & pastoralis officij studio in ea incumbamus, quæ ad animarum salutem, ad cultus diuini rationem, ad Ecclesiarum statum, ad Christianam morum institutionem, ad Cleri, & fidelis populi vitam atq; officij disciplinam spectare iudicabimus. Quare monemus omnes & singulos, ad quos earum Ecclesiarum, Monasteriorum, & piorum locorum quæ diximus, cura, vel gubernatio, vel administratio, vel Missarum ac diuinorum officiorum quæ in ijs præstanda sunt celebratio, aliorumque munerum functio pertinet, vt quo die singulas illas Ecclesias, locaq; visitabimus, proferant ac ostendant nobis, vel ei cui tale munus delegauimus, vel Cancellario nostro cuius opera in hoc visitationis munere vtetur, suorum omnium beneficiorum, & sacrorum ordinum titulos, & Ecclesiarum capitulorum vestrata, constitutiones, ac obligationum onera quæ eis imposta sunt.

Inuentarium præterea bonorum mobilium & immobilium, atque eas res omnes ostendant, quæ ad Ecclesiæ aut pij loci cultum, apparatus, & ornatum pertinent.

Si quis autem, cuiusvis ordinis aut dignitatis sit, aliqua in medium asserere voluerit, quæ ad Dei laudem, Ecclesiarum commodum, & animarum salutem interessè putauerit, eum hortamur in Domino, vt omnia ea nobis vel sermone vel scripto patefaciat.

Et quoniam ab ijs quæ alijs præstant, iactum suum decet; primum Metropolitanam nostram Ecclesiam visitabimus, ad alias deinde, Ecclesias & loca quæ diximus progrediemur, ea seruata ordinis ratione, quæ ad eam rem bene geren-

dam magis expedire nobis videbitur.

Itaque monemus, præcipimus, atque citamus capitulum Ecclesiæ Metropolitanæ, eiusq; Archipresbyterum, Archidiaconum, Primicerium, Præpositum, Decanum, Canonicos qui ordinarij appellantur, Notarios, Primiceriorum lectores, Maxzeconicos, Cappellanos, custodes obedientiariorum, clericos, veglones & veglonissas, cappellanum curatû curam animarum exercentem in parochialibus Ecclesijs Sanctorum Theclæ, & Ioannis ad fontes Monasterij Lantassij, & Galdini, Archipresbyterum item, & canonicos Decumanos, scholares, cõfratres, & beneficiatos officiales, ministros, ceterosq; singulos, qui nostræ Metropolitanæ Ecclesiæ ministrat vel ministrare debent, vt eo quem ediximus die 25. summo mane omnes ad visitationem conueniant, ac sui quisq; beneficii quod in ea Ecclesia obtinet titulos, dispensationem, statuta, constitutiones, ordines, obligationumq; onera, nobis, vt supra ediximus exhibeat, in eaq; visitatione, quam statuto iam die aggrediemur, etiam si non eo ipso die absolvere poterimus, tamdiu adesse pergat, quoad omnibus ijs quæ ad eam pertinent, quæq; nos necessaria & oportuna censuerimus, perfectis, illam omnino absoluerimus.

Et vt hæc nostræ literæ Cancellarij nostri manu subscriptæ, sigilloq; nostro signatæ, quas edicti publici vim ac testimonium habere decernimus, omnibus ijs quibus ediximus, ac alijs quorum id interest, & in posterum quauis ratione intererit, notæ ac manifestæ planè esse possint; volumus eiusdem nostræ Metropolitanæ Ecclesiæ, & aliarum huius Ciuitatis Ecclesiarum, quæ collegiatæ sunt, ac Monasteriorum valuis affigi, ac relinquit; eosq; omnes quos diximus, eisdem ita teneri, vt si illi personaliter moniti, requisiti, ac citati essent.

In quorum testimonium has confici, & signo nostro muniti iussimus.

De earum verò affixione, quod quibus noster in hac parte nuncius ad nos referret, in eo fidem illi omnino habebimus. Dat. ex nostris Archiepiscopalisibus die 22. Iunii. 1566.

EDIT.